


Efterskolernerit 2020-2021

2020/21-mi efterskolernerit pingajorarterutaat aallartipput

Ukioq atuarfiusoq 2020/21 nunarsuaq tamakkerlugu nappaassuarmit tuniluuttumit COVID-19-imit annertuumik sunnerneqarsimavoq. Ukiup atuarfiusup ingerlanerani Danmarkimi efterskolernerit aallartinneqartut 32 pct.-inik ikileriarsimapput, Kalaallillu Nunaanni aamma efterskolernerit 13 pct.-inik ikileriarsimallutik.

Efterskolernerit aallartinneqarsimasut ataatsimut katillugit 322-upput, 128-llu unitsinneqarput. Taamaasilluni ataatsimut naammassinnittarnermut procenti 60 pct.-imiilerpoq, ukiuni kingullerni 75 aamma 80 pct.-it akornanniissimangaluatoq.

Titartagaq 1. 2012/13-imiit 2020/21-mut efterskolernerit aallartinneqartut amerlassusaat, atuarfik malillugu



Najoqqutaq: Naatsorsueqqissaartarfik – Kisitsisaataasivimi kisitsisit takukkit (<https://bank.stat.gl/UDNESF>).

Efterskole Villads Villadsen-i atuartunut 80-inut inissaateqartoq Maniitsumi Efterskoli atuartunut 70-inut inissaateqarpoq. Atuartulli efterskolini aallartittut amerlassusaat inissaqartitsinermit amerlanerusinnaapput, unitsitsisoqartillugu atuartut nutaat aallartissinnaasarmata.


2020/21-mi Kalaallit Nunaanni efterskolernerit aallartinneqartut amerlassusaat ukiup siulianit aallartittunit ikinnerupput, tassani Efterskole Villads Villadsen-imi 59-it aallartissimallutik, Maniitsumi Efterskolimi 72-it aallartittut. 2020/21-mi qallunaat efterskoliini aallartittut ukiup siulianut sanilliullugit 90-inik ikileriarsimapput.

Efterskolernermik aallartitsisut amerlasuut inuusunnerusut

Amerlanerpaat ukiumi 16-inik ukioqalerfimminni efterskolernermik aallartitsisarput, amerlasuullu meeqqat atuarfianni naammasserlaajusarlutik. Ukiumi atuarfiusumi 2020/21-mi atualertut 75 pct.-ii ukiumi 16-iliiffimminni aallartissimasut 8 pct.-ii inuusunnerupput. Taamaallaat Danmarkimi inuusuttut 16-it inorlugit ukiullit efterskolernermik aallartitsisinnaapput.

16-inik ukioqalereersimallutik efterskolernermik aallartitsisartut amerlassusaat 2020/21-mi 18 pct.-iusimapput.

Titartagaq 1. 2012/13-imiit 2020/21-mut efterskolernerit aallartinneqartut, ukiut malillugit



Nalunaarut: Ukiup pineqartup naanerani atuartut ukiut malillugit naatsorsuisoqarpoq.

Najoqqutaq: Naatsorsueqqissaartarfik – Kisitsisaataasivimi kisitsisit takukkit (<https://bank.stat.gl/UDNESE>).


2020/21-mi efterskolernerit ikinnerusut unitsiinnarneqarput

Ukiumi atuarfiusumi 2020/21-mi atuartut 194-it efterskolernermik naammassinnissimapput, efterskolernerit aallartinneqarsimasut 60 pct.-iinik annertussusillit. Tamanna ukiup siulianut naleqqiullugu 9 pct.point-inik qaffariarneruvoq.

2020/21-mi Efterskole Villads Villadsen-imi naammassinnittarnermut procenti 76 pct.-iusimavoq, piffissamilu pineqartumi Maniitsumi Efterskoli-mi 54 pct.-iusimalluni.

Kalaallit Nunaanni efterskolinut sanilliullugit qallunaat efterskolii allannguuteqanngitsumik naammassinnittarnermut procenteqarput, 2020/21-mi 58 pct.-iulluni. Tamanna ukiup siulianitut annertussuseqarpoq, pisarnermisut 80 aamma 90 pct.-it akornanni annertussuseqartarluni.

Titartagaq 2. 2012/13-imiit 2020/21-mut naammassinnittarnermut procenti, efterskolit malillugit




Najoqqutaq: Naatsorsueqqissaartarfik – Kisitsisaataasivimi kisitsisit takukkit (<https://bank.stat.gl/UDNESE>).

Ukioqatigiinni pingasunit amerlanerulaartut efterskolernermik aallartitsisarput

Ataani takuneqarsinnaapput 1998-imiit 2004-rimut ukioqatigiiaat, ukiuni atuarfiusuni 2014/15-imi kiisalu 2020/21-mi efterskolernernik aallartitsisimasut naammassinnissimasullu.

Titartagaq 3. Ukioqatigiinni efterskolernermik aallartitsisimasut/naammassinnissimasut amerlassusaat, 1998-imiit 2004-rimut ukioqatigiit malillugit



Najoqqutaq: Naatsorsueqqissaartarfik – Kisitsisaataasivimi kisitsisit takukkit (<https://bank.stat.gl/UDNESE>).

Inuusuttut 2004-rimi inunngorsimasut pingajorarterutai efterskolernermik aallartitsisimapput, 21 pct.-iilu efterskolernermik naammassinnissimallutik. Ukioqatigiinni inuit amerlassusaat 1998-imi 849-miit 2004-rimi 778-inut ikileriarsimapput.

Eqikkaaneq

Tabel 1. 2013/14-imiit 2020/21-mut efterskolernerit amerlassusaat, atuarfinnut killiffinnullu agguaallugit

	2013/14	2014/15	2015/16	2016/17	2017/18	2018/19	2019/20	2020/21
Efterskole Villads Villadsen								
Unitsitsinerit	33	22	32	40	32	16	47	14
Naammassinninnerit	60	66	54	48	45	61	28	45
Aallartitsinerit	93	88	86	88	77	77	75	59
Maniitsumi Efterskoli								
Unitsitsinerit	35	29	24	20	20	27	45	33
Naammassinninnerit	32	50	50	58	55	49	31	39
Aallartitsinerit	67	79	74	78	75	76	76	72
Qallunaat efterskoler								
Unitsitsinerit	54	56	51	46	47	45	119	81
Naammassinninnerit	253	226	214	225	252	245	162	110
Aallartitsinerit	307	282	265	271	299	290	281	191
Katillugit								
Unitsitsinerit	122	107	107	106	99	88	211	128
Naammassinninnerit	345	342	318	331	352	355	221	194
Aallartitsinerit	467	449	425	437	451	443	432	322

Najoqqutaq: Naatsorsueqqissaartarfik – Kisitsisaataasivimi kisitsisit takukkit (<https://bank.stat.gl/UDNESE>).

Tabel 2. Efterskolernernik aallartitsisimasut/naammassinnissimasut amerlassusaat, ukioq inunngorfik malillugu; 1999-imiit 2004-rimut inunngortut

	1999	2000	2001	2002	2003	2004
Ukioqatigiinni katillugit	813	803	817	838	764	778
Efterskolernerit aallartinneqartut	374	390	378	416	345	265
Efterskolernerit naammassineqartut	295	297	298	324	187	166

Najoqqutaq: Naatsorsueqqissaartarfik – Kisitsisaataasivimi kisitsisit takukkit (<https://bank.stat.gl/UDNESE>).

Periaaseq

Nalunaarsuutit tunngaviusut

Nalunaarsuutit najoqqutarineqartut tassaapput:

- Ilinniartitaanermut Naalakkersuisoqarfiup Kalaallit Nunaanni efterskolini atuartunut nalunaarsuiffia.
- Oqaasileriffiup Danmarkimi efterskolini atuartunut nalunaarsuiffia.
- Naatsorsueqqissaartarfiup innuttaasunut nalunaarsuiffia.

Kalaallit Nunaanni efterskolit aallarnisarneqalerneranniilli nalunaarsuutit nassaassaapput. Efterskole Villads Villadsen ukiumi atuarfiusumi 2009/2010-mi ammarneqarpoq Maniitsumilu Efterskoli ukiumi atuarfiusumi 2011/2012-

imi ammarneqarluni. Ukioq atuarfiusoq 2010/2011 sioqqullugu qallunaat efterskoliini naammassinninnerit unitsitsinerillu nalunaarsuuteqanngillat, taamaattumik qallunaat atuarfiini efterskolernernut naatsorsuutit ukiumi pineqartumi aallartipput.

Periaaseq

Efterskolernernut nalunaarsuutit naleqquttut ukiumi atuarfiusumi aallartitsinerit, unitsitsinerit naammassinninnerillu malillugit immikkoortiterneqarput. Ukiumi atuarfiusumi ataatsimi atuatoq ataatsimit amerlanerusunik efterskolernernik ingerlatsisimasutut allaqqasinnaavoq, unitsitserernerme efterskolimi allami aallartitseqqissimaguni.

Atuartut ukiui ukiup pineqartup naanerani naatsorsorneqarput, 16-illu inorlugit ukiulinnut, 16-inik ukiulinnut, 17-inik ukiulinnut kiisalu 17-ileereersimasunut immikkoortiterneqarlutik.

Naatsorsueqqissaartarfiup innuttaasunut nalunaarsuisarfiani atualinnginnermi illoqarfik nalunaarsorneqarsimasoq kingulleq atorlugu atuartut illoqarfinnut atassuserneqarput. Atuartut atualinnginnermi innuttaasunut nalunaarsuisarfimmi nassaarineqanngitsut kalaallit efterskoliinut imaluunniit qallunaat efterskoliini atuartuuppata paasissutissaqanngitsutut nalunaarsorneqarput.

Atuartut efterskolernernik aallartitsisimasut ukioqatigiinni inuit amerlassusaannut naleqqiullugit aamma naatsorsorneqarput. Ukioqatigiit innuttaasunut nalunaarsuisarfimmi ukioq 14-inik ukioqalerfiat malillugu naatsorsorneqarput. Efterskolini atuartut nukarlersaat ukiumi 15-inik ukioqalerfimminni aallartittarnerannik aammalu efterskolini atuartut Kalaallit Nunaatalu avataani ilinniartut innuttaasunut nalunaarsuisarfimmi allaqqannginnerinik tamanna peqquteqarpoq.

Naatsorsuineq

Atuartut ukiup atuarfiusup naanerani killiffiat, ukioq atuarfiusoq, efterskoli, suiaassusseq, ukiut aammalu illoqarfik malillugit agguanneqarput. Taamatullu ukioqatigiinni atuartut efterskolernernik aallartitsisimasut/naammassinnissimasut amerlassusaat naatsorsorneqarput.

Killiliinerit erseqqissagassallu

Atuatoq ukiup atuarfiusup ataatsip iluani ataatsimit amerlanerusunit efterskolernernik ingerlatsisimasutut allaqqasinnaavoq, unitsitserernerup kingorna efterskolimi allami aallartitseqqissimaguni.

Kisitsisaataasivimmi ukioqatigiit malillugit kisitsisit naatsorsukkat ukiut tamaasa allanngortassapput, ukioqatigiinni suli amerlanerusut kingusinnerusukkat efterskolernernik aallartitsisimappata.

Signatur forklaring:

- ... Oplysninger foreligger ikke
- .. Oplysninger for usikre til at angives eller diskretionshensyn
- . Tal kan efter sagens natur ikke forekomme
- 0 Mindre end halvdelen af den anvendte enhed
- Nul
- * Foreløbigt eller anslået tal

Saaffiginniffissaq

Samo Nielsen

E-mail: snie@stat.gl

Ilinniartitaaneq

Grønlands Statistik
Postboks 1025 · 3900 Nuuk
Tlf.: +299 34 57 70 · Fax: +299 34 57 90
www.stat.gl · e-mail: stat@stat.gl

